



**Ramana Dr. Qasimlo der-
heq pirsar serxwebûna
Kurdistanê di dîrokê de**

»»» R:6



Mistefa Hicrî: Tekoşîna Dr. Şerefkendî
dikarî kêşeyeke mezin bo rejîma Îranê pêk bîne,
lewra biryara jînavbirîna wî dan



Rêvîngên rêya Şerefkendî yad û bîra wî bilind ragirtin. Roja 26`ê
Xermananê, rêûresma 25.mîn salvegera şehîdkirina Dr. Şerefkendî
û hevalên wî, li binkeya Deftera Siyasî a Partiya Demokrat a
Kurdistanê Îranê, di bajarê Koyê de bi rê ve çû.

»»» Dom R:2

*Bidestveanîna mafên netewî yên gelê kurd
di çarçoveya Îraneke demokratîk û federal de*

Agirî

Duhestînameyek Siyasî-Gîştî Ye, PDK Îranê diweşîne www.kurdistanmedia.com/kurdi
www.agirimedia.org Hejmar (310) 22-09-2017 Buha (1000) Tûmen

**Referandoma Serxwebûnê
vejiyandina
Komara Kurdistanê ye**



»»» Nûçeya manşetê li R:8

Sergotar**Dewleta Kurdistanê, kiyanek ji bo jiyanê serbest**

N: Kerîm Perwîzî

Referandoma Herêma Kurdistanê ku biryar e roja 25'ê Îlonê bi rê ve bibin, pêngaveke dîrokî ya Kurdistanê Başûr e, bona nêzîkbûna bi hêviyeke mêtîn ya Kurd, û cardin avakirina kiyaneke neteweyî, ku piştî Komara Kurdistanê û ezmûna Herêma Kurdistanê, hem dirêjîderê vê riyê ye, û hem jî vegeşandina rewta mafxwaziya civakê ye, ku serbarê hemû astengiyên dîrokî, û stratejîk û navçeyî, qonqxeke girîng û bingehîn dibire, û êdî ji niha şûnda pirtûkên dîrokî rûpelên niha bi dawî tînin, û rûpeleke din ya nû dest pê dike.

Referandom û rapirsî ji xelkê herêmekê bona vê ku li ber çavê hemû cihanê, bizanin ku ew xelk çi dixwaze, û ji vî xelk û civakê pirs tê kirin bona diyarîkirina mafê qederê, ew yek diyardeyeke demokratîk û serdemiyane ye, û rêzgirtin e ji vîna civakê û hevdem şêwazeke modern û serdemiyane û aşîxwazane ye, bona dengbilindkirina neteweyekê.

Di dîrokê de, û niha, û di pêşerojê de jî, bona vê ku netewe û gelên cihanê boçûnên xwe bînin ziman, rê ji wan hatiye girtin, û tê girtin, û gellek caran neçar kirine û dikin jî, ku hawara xwe bibin ber şêwazên tundûtîj, bi eşkerekirina dengê xwe, û selimandina îradeya xwe. Lê referandoma şêwaza herî aşîxwazane ye ku tenê dagîrker û tawankar dijberiya wê dikin, û Komara sêdarê ya Îslamî ya Îranê ye, ku bi rohnî û bi ew qasê şermê ve, li dijî rapirsîyê sekinî ye, û gefan li wan dixwe.

Cuda ji referandomê bixwe, encama vê referandomê hilgirê watayeke girîng e, û hêzên siyasî berev çinîna vê encamê hewl didin, ku ew yek cihê girîngî pê danê ye, ew jî serxwebûna neteweyekê û jidayîkbûna kiyaneke nû, û avakirina vê dewletê ku di nava neteweyên cihanê de, serek bi seran zêde dibe.

Serexwebûna Kurdistanê Başûr û avakirina dewleta Kurdistanê di vê para nîştîman de, bilindkirina îradeyeke mafxwazane û hogiriya bo serbestî

»»»» Doma R:1

Roja Yekşemî 26'ê Xermananê rêûresma salvegera terorkirina Dr. Şerefkendî û hevalên wî bi amadebûna endamên rêberî û kadr û pêşmerge û malbatên Partiya Demokrat a Kurdistanê Îranê û herwiha çendîn partî û aliyên siyasî di binkeya Deftera Siyasî a Partiya Demokrat li bajarê Koyê bi rê ve çû.

Ev rêûresma bi sirûda neteweyî a “Ey Reqîb” û deqeyek bêdengî ji bo rêzgirtin ji riha paqij a şehîdên rêya azadiya Kurdistanê dest pê kir. Piştî peyama Deftera Siyasî a PDKÎ bi boneya 25.mîn salvegera şehîdkirina Dr. Şerefkendî û hevalên wî, ji aliyê “Mistefa Hicrî” sekreterê giştî yê PDKÎ ve, hat pêşkêşkirin.

Sekreterê giştî ê Partiya Demokrat di axavtina xwe de, got ku dosiya dadgeha “Mikonos”ê, di yekem halet de, rêberên rejîma Îranê, weke encamderên wê terore da naskirin, her

û rizgariyê ye, ku xelkek bi navê neteweya kurd û civaka Kurdistanê piştî sedan salî bindestiyê û serkutkirinê, û zewtkirina hemû mafan û cewherîbûnê û têkdana nasnameya takekesan, cardin têne nava dîrokê de, û rê nadin êdî stratejî û siyasî û dîrok û jîyan, bi bîy wan bê nivîsandin, êdî Kurdistan jî, aliyê kêmkirî de, wekî biker û xwedî xewneke piratîk di nava hevsengî û nahevsengiyê de bi rola xwe radibe, û ji dûr ve mêze nake, ku bizane çi jê re dinivîsin.

Renge astengî û kêmasiyên siyasî ên Kurdistanê Başûr û ezmûna 25 salên borî a hikûmetdariyê di vê beşê de, wisa li hinek kesan bike, ku bîr ji kêşeyên piştî serbixweyîyê bikin, û nîgeran bin, lê baştirkirin û hewldan bo vegeşiyên û dijberiya gendeliyê û guherînkariya siyasî û aborî û civakî, piroseyeke dûr û dirêj dibe, û reform û guherînkariyê di hemû neteweyan de wê demê pêngaveke qurs û qahîm jê re hatiye hilgirtin, û vegeriya bo paşve tê de nebûye, ku di nava kiyaneke serbixwe de were cîbicîkirin. Bi vê wateyê ku rege dewleta serbixwe, ji xwe nebe sedema dadperwerî û çaksaziyê, lê bi bî dewlet û kiyaneke rizgarkirî hemû pêngavek di biyavê reform û azadîxwaziyê egera vegeriya bo paşve tê de heye.

Kiyana serbixwe xala komkerê hemû berjewendiyan dibe, û hemû hêvî dikarin tê de bîne komkirin, û di rastî de avakirina avahiyeke bilind û qahîm dibe, ku deng û rengên cuda



ev cezaya Dadgehê jî bû sedem da ku destê rejîma Îranê, di domandina kiryarên xwe ên terorîstî de kurt bike, herwiha serokê Dadgehê îşare bi vê yekê kir ku terora “Vîyanê” jî her weke terora Berlînê bûye. Hicrî herwiha bas ji vê yekê kir ku, herçend ku berpirsên rejîma Îranê, givaş xistine ser birêveberên vê dadgehê, da ku dest ji encamdana vê dosiyê hilgirin, lê dadgeha “Mikonos”ê rûyê rast yê rejîma Îranê, di dosiyê de, nîşanî dinyayê da. Sekreterê giştî yê Partiya Demokrat, di doma axavtinên xwe de bas ji vê kir ku, hekî dosiya kiryarê terorîstî a Vîyanê, ji aliyê welatê Utrîşê ve bidûreçûn bihatîba kirin, Dr. Şerefkendî û hevalên wî, nedihatî terorkirin. Mistefa Hicrî bas ji vê yekê jî kir ku, Dr. Sadiq Şerefkendî di malbateke hejar de hatibû dinê, û tevî hemû kêmasiyên jîyanê karîbû pileya bilind di asta zanistî de, bi dest bixe, û di zanîngeha Parîsê de dersê bide, û piştî tevî refên pêşmergeyan be, û ji ber jêhatîbûna xwe, bibe rêber û şoreşgerekî rastegîne. Sekreterê giştî yê Partiya Demokrat di dawîya axavtinên xwe de, bas ji referandoma serbixweyîya Kurdistanê Başûr kir, û got: “Ev helwêsta neteweyî mafê hemû gelên dinyayê ye, ku yek ji wan neteweyan Kurd e, û herwiha diyarêkirina mafê çarenivîsê yek ji armancên PDKÎ ye, û em jî bi hemû hêz û şiyana xwe piştevanîyê ji referandoma serxwebûna Kurdistanê û her encameke wê dikin”. Piştî sirûdek bi navê “Sadiq Şerefkendî” ji aliyê zarokên navenda “Nêrgîz” ve pêşkêşî beşdarên rêûresmê hate kirin. Di beşêke din ya vê rêûresmê de, sirûdeke din a bi navê “Rêberê min” ji vehûnandina “Umer Xulam`elî” ji aliyê koma mozîkê ya Partiya Demokrat ve hat pêşkêşkirin. Piştî peyama hevpar a yekîtiyên jinan, Xwendekaran û Ciwanên PDKÎ, ji aliyê “Emîn Îbrahîmî” berpirsê birêveberîya Yekîtiya Ciwanan ve hate pêşkêşkirin. Herwiha bi munasibeta 25.mîn salvegera şehîdên Birlînê biroşorek derheqê jiyannameya Dr. Şerefkendî û hevlên wî hate belavkirin. Di dawîya rêûresmê de, sirûdeke şoreşvanî a bi navê “Şîpela şîn” ji vehûnandina “Selam Îsmailpûr” ji aliyê koma mozîkê ya hizbê ve pêşkêşî beşdarên rêûresmê hate kirin. Herwiha çendîn partî û aliyên siyasî yên herçar parçên Kurdistanê, di vê rêûresimê de beşdar bûn, ku ev partiyane bûn:

-Yekîtiya Nîştîmanî a Kurdistan
-Partiya Demokrat a Kurdistan
-Hizba Şiyû`î
-Yekgirtûya Îslamî a Kurdistanê
-Hak-Par (Partiya Maf û Azadiyê)

Herwiha “Kemal Burkey” kesayetiye siyasî yê Bakûrê Kurdistanê jî, di vê rêûresmê de beşdar bû. Hêjayî basê ye ku cuda ji vê rêûresmê, di gellek welatên Ewropayî de jî, rêûresm û semînar bi vê boneyê ve pêk hatin. Di navxwe ya Kurdistanê de jî, gellek çalakî bona mehkûmkirina vê terore pêk hatin, û endam û alîgirên PDKÎ serbarê rewşa tund ya ewlekariyê diruşmên pêwendîdar bi vê boneyê nivîsandin, û gellek tirakt belav kirin.

Deqa axavtinên Mistefa Hicrî di rûpela 4ê de hatiye danîn.

tê de deng vedin, lê deng û regeke harmonîkkirî ku bibe orkestrayeke xweş, û govendeke hevaheng ya regehan, ne eva ku tîkelbûneke nehêja ya hemû deng û regekekê be, ku bedela tamwergirtinê, janê bibexşin. Dewleta serbixwe ya Kurdistanê li Başûr ku xaka tazevegeriyayî bo himbêza nîştîman bi xwe digre, hem formbexşîn û avakirina bingehê neteweyî ye, û hem jî pêngaveke girîng ya dîrokî ye, ku rege niha nehê kirin ku bi zelalî û bi kûrahiya

rewşa heyî tam û rengên wê bîne dîtin, lê her hinde ku dijmînen Kurd û bi taybetî Komara Îslamî gellek pê nerehet in, û hemû gefekê lê dixwin, û hejmarek bi nav rewşenbîrên Fars lê di rastî de reşbîr û faşîst, ku dirêjiya Komara Îslamî ne, jê tirsîyayî ne, ew yek îşare ye bi heqîqeta dewleta serbixwe ya Kurdistanê.

Bi gotineke din hekî tu nezanî ku pêngavên te çiqas girîng in, ji rûçîkê dijmin ve bizane, ku çiqas jê nîgeran in!.

Mistefa Hicrî sekreterê giştî ê PDKÎ serdana Hêza Taybet kir



Mistefa Hicrî sekreterê giştî ê PDKÎ di hevdişîneke sê rojî de, digel fermane û pêşmergeyên Hêza Taybet kom bû.

Nûçegihanê malpera Kurdistanmedia ji binkeya Hêza Taybet ya PDKÎ ragehand ku rojên 21-23'ê Xermanana 1396'an ya Rojî sekreterê giştî ê PDKÎ serdana Hêza Taybet li ser sînorê Rojhilat û Başûra Kurdistanê kir.

Nûçegihanê malpera Kurdistanmedia bas ji vê kir ku Mistefa Hicrî sekreterê giştî ê PDKÎ bi hûrî guh da rexne û pêşniyarên pêşmergeyan di binkeyên Hêza Taybet de, û di doma vê serdana çend rojî de, paş bidawîhatina rexne û pêşniyarên pêşmergeyan çend bas pêşkêş kirin.

Mistefa Hicrî sekreterê giştî ê PDKÎ di vê civînê de, îşare bi dagîrkar bi dirêjahiya dîrokê û bi taybetî piştî parvebûna Kurdistanê li şerê cihanî ê yekem de kir ku wan rejîman hewla helandin û jinavbirina nasnameya neteweyî ya Kurd dane, bo vê yekê jî dest bo hemû cure çewsandinekê birine, ji ferq û cudahîdanîne ve bigre heya dîrxistin û fermana cîhadê û komkujî û îdam û zîndanî û milîtarîzekirina Kurdistanê û bédengkirina dengê azadî û ragirtina Kurdistanê di hejarî û derbiderdiyê de.

Mistefa Hicrî sekreterê giştî ê PDKÎ ragehand ku hebûna we li vir de, cihê şanaziya hemû gelê Kurd e, û hûn xortên herî baş ên vê neteweyê ne, û hûn bergiriyê ji daxwazên xwe ên neteweyî bo jiyaneke azad û serdemi-yane dikin. Hebûna we li vir garantiya mana gelê me ye, û xatircem bin ku emê serkevin bi ser dijmin de, jiber ku xebata me xebateke rewa ye.

Mistefa Hicrî sekreterê giştî ê PDKÎ herwisa rû li fermanên Hêza Taybet ragehand ku hûn dibe vê yekê jî bizanin ku xebat bo rizgariya neteweya me li dijî rejîmên dîktator ên navend, bêhnfirehiyê dixwaze, û xatircem bin ku pêşeroj ya me ye, û em hemû palpiştê hevdu ne, em hemû pêşmerge ne, û pêşeroj her ya me ye, lewra em daxwazê ji we dikin ku bi awayekî micid kar bikin, bona xwepêgehandinê.

Mistefa Hicrî sekreterê giştî ê PDKÎ herwisa bas ji vê kiriye ku wekî PDKÎ hemû cure hêsankariyek me ji bo we kiriye, lewra jî ez daxwazê ji we dikim ku bi awayekî micid hewla xwepêgehandinê bidin, û her daxwazeke we hebû, bi kadr û berpirsyarên xwe ragehînin û pileyên serkevtinê bibirin û têkevin nava serkirdayetiya hizbê, xebata me xebateke rewa ye, xebat bo azadî û rizgariya neteweyekê ye ku bi dirêjahiya dîroka dagîrkar, û bi derba çek û kuştin û piştgiixistin û dîrxistinê hewla jinavbirina wê hatiye dayîn, lê nekariye, jiber ku vê neteweyê pêşmerge qehreman hene. Herwisa Mistefa Hicrî bas ji vê kir ku hûn nûnertiya îradeya neteweya me dikin.

Amadebûna we di vir de, vê rastiye nîşan dide ku we hest bi azara gelê xwe kiriye, lewra niha çeka pîroz ya pêşmerge we hilgirtiye, bona bergirî ji gelê xwe, ji bo bidestxistina van mafên rewa, û şoreş ji bo azadî û demokrasî, û şoreş bo mana neteweya Kurd, we hest bi vê zulm û zordariya dagîrker kiriye, û we serî hildaye bo bidestveanîna mafê neteweyî, hûn hemû xortê vê neteweyê ne, û çavê hêviyê yê neteweya Kurd li we ye.

PDKÎ û HAK-PAR'ê, pîrsa referandoma Kurdistanê gotûbêj kirin



Heyeteke HAK-PAR'ê serdana ofîsa nûneratiya PDKÎ li Hewlêrê kir, û derheq pîrsa referandoma Herêma Kurdistanê gotûbêj kirin.

Roja Sêşemiyê 21'ê Xermanana sala 1396 (12.09.2017)'an, heyeteke HAK-PAR'ê bi serperestiya Zana Sezen nûnerê HAK-PAR'ê li Herêma Kurdistanê serdana deftera nûnertiya PDKÎ li Hewlêrê kir, û ji aliyê heyeteke nûneratiya PDKÎ bi serperestiya Mihemedsalih Qadirî berpirsê ofîsa nûneratiya PDKÎ li Hewlêrê pêşwazî ji wan hate kirin.

Di vê hevdişînê de, Mihemedsalih Qadirî tevî baskirina ji helwesta PDKÎ derheq referandomê ji bo serxwebûna Kurdistanê, wekî erkeke neteweyî û nîştimanî, helwest û pêngavên PDKÎ bona palpiştîkirin ji Herêma Kurdistanê, û hevsoziya aliyên siyasî ên beşên din ên Kurdistanê, bo serxistina vê biryara dîrokî a Başûra Kurdistanê bi girîng zanî, û ragehand ku pêwîst e li hemberî egera her pîlaneke rejîma Îranê û neyarên referandomê, hemû aliyên Kurdistanê alîkarê Herêma Kurdistanê bin, û ew yek erkeke nîştimanî û neteweyî ye.

Piştî Zana Sezen, tevî hevhelwestî û piştevaniya ji pêngavên PDKÎ derheq referandomê, û çalakiya PDKÎ li Rojhilata Kurdistanê, pêdagirî li ser palpiştî û hevhelwestiya HAK-PAR'ê û xelkê Bakûra Kurdistanê ji referandoma Herêma Kurdistanê kir, û ew helwesta neteweyî û nîştimanî ya PDKÎ û xelkê Rojhilata Kurdistanê ji bo piştgiriya ji referandoma Başûra Kurdistanê, girîng hesiband.

Di dawiyê de herdu aliyan pêdagirî li ser berdewamiya pêwendî û alîkariya di navbera xwe de kirin.

Bavê pêşmergeyekî PDKÎ koça dawiyê kir



jidayîkbûyê sala 1312'an di temenê 84 saliyê de koça dawiyê kir.

Navbirî bavê Setar Îbrahîmî pêşmerge PDKÎ ye, ku bi salan e di refa pêşmergeyên PDKÎ de xebatê dike. Kak Baram kes-

Kurdistanmedia: Kak Baram Îbrahîmî bavê pêşmergeyekî PDKÎ li bajarê Kamyaranê koça dawiyê kir.

Li gora nûçeya gihiştî bi malpera Kurdistanmedia, roja Sêşemiyê 28'ê Xermananê kak Baram Îbrahîmî xelkê gundê Textî Zengî a ser bi Kamyaranê

ayetiyeke xweşnav, û cihê baweriya xelkê navçê bû, û termê navbirî di nava girseya xelkê navçê de bi axê hate spartin.

PDKÎ sersaxiyê dibêje malbat û xizma û kesûkarê navbirî, û xwe şîrkê xema wan dizane.

Deqa axavtina Kak Mistefa Hicrî sekreterê giştî yê PDKÎ di rêûresma bîranîna 25.mîn salvegera terorkirina Dr. Şerefkendî û hevalên wî de



Ji vê rojê ve ku di 17'ê Îlona 1992 (26'ê Xermanana sala 1371)'an de, kesayetiyê naskirî û sekreterê giştî ê PDKÎ Dr. şerefkendî naskirî bi Dr. Se'îd, digel kak Homayon Erdelan û kak Fetah Ebdulî û kak Nûrî Dêhkurdî hatin şehîdkirin, 25 sal derbaz dibin.

Em wekî hemû salekê îro jî li vir kom bûne, da ku ji aliyekî ve cardin rêz û hurmetê danên bo rêbaza xebatkarane ya van şehîdên xwe ên şoreşger, û silavan dişînin bo riha wan ya pak, û bi vî rengî emegdariya xwe wekî hevrê û hevçeperê wan, nîşan bi-din, û serê rêz û hurmetê li hemberî rêbaza wan ya pîroz de bitewînin, û ji aliyekî din ve rejîma teror û sêdarê ya Komara Îslamiya Îranê mehkûm bikin, derheq vê tawana mezin de, ku derheq sekreterê wê demê yê PDKÎ Dr. şerefkendî û hevalên wî û hemû gelê Kurd kirin.

Li 17'ê Îlona 1992'an di dema şevê de, Dr. şerefkendî û hevalên wî li bajarê Birlînê di restoranekê de bi navê Mîkonos, digel komek ji endamên çend rêkxirawên dijberî Îranê bona gotûbêjê li ser çawaniya lihevneşîbûn û pêkanîna hevdengiya zêdetir di navbera xwe de û bi mebesta xebata hevpar li dijî rejîma Îranê kom bûn ku li demjimêr nêzî 11'ê şevê, çekdarek ku piştî lêkolîna polisê eşkere dibe, ku ew Ebdulrehman Benî Haşimî berpîrsê tîma terorê bûye, êrîşî ser wan dike, û bi diyarîkirî Kurdan dike armanca gulleyên xwe, û kesekî din jî, tîra xilasê li wan dixê, û bi vî awayî Dr. şerefkendî û hevalên wî û Nûrî Dêhkurdî şehîd dibin. Di tîma vê terorê de, Îranî û endamên Hizbullah Lubnan û endamêkî eslî yê Şî'e yê Lubnanê pêkve pilanê bi rê ve dibin, ku her hemû jî di Îranê de

û li jêr çavdêriya Spaha Pasdaran û rêkxirawa Îtîla'atê de hatine perwerdekirin.

Piştî nêzîk bi du salan lêkolînê û şopandina polis û dezgeha Dad ya Almanayê, roja 10'ê Nîsana 1997'an de, dezgeha Dad ya Almanayê hukmê xwe ragehand, û tê de ji bilî diyarîkirina cezayê bo 5 tawanbarên ku di terorê de dest hebûn, hukmê girtinê ji 5 salan ve heya girtina ebed bo wan birin. Serokê dadgehê herwisa ragehand ku erk û wezîfeya me ye, ji bona eşkerebûna vê kuştîrê, em bîne ser baskirina ji wan sedeman, ku bûne sedema pêkanîna vê kuştîrê. Ya ku dixwazim di vir de bixwînim çend beşên kurt ji axavtîna serokê dadgehê ne, ku di deqa hukmê dadgehê de xwendin:

Reh û rişeya vê terorê dibe ku di pêwendî û munasibetekê de bibînin, ku paş şoreşa Îslamiya Îranê form bi xwe ve girtiye, hewla Kurdan bi rêberatiya PDKÎ bo bidestveanîna otonomiyê, ew hizb kiriye hizbeke siyasî ya bihêz li dijî Komara Îslamî, ku di encamê de rêberê siyasî ê Îranê bi armanca serkuta PDKÎ biryar da ku li dijî vê hizbê, ne tenê bi awayê siyasî xebatê bike, lê niyeta jinavbirina fîzîk ya vê hizbê heye. Kuştina Dr Qasimlo û du hevalên wî li 13.07.1989'an û herwisa qetlek ku di vê dadgehê de lêkolîn li ser hate kirin, di encama vê siyasê de ye, ku pêwendiya kuştara Birlîn û Vîyenê gellek eşkere ye. Ew belgeyên haşahilnegir ku pêşkêşî dadgehê hatine kirin, şîkl û şeweya biryardana lûtkeya rêberî ya siyasî ya Îranê, bi armanca jinavbirina dijberên rejîmê li derveyî welat gellek bi rohnî nîşan dide.

Biryardana li ser jinavbirinê, ji aliyê

rejîmê ve, ew jî di navendekê de, bi navê encumena karûbarê taybet tê dayîn, ku organeke na yasayî ye, û bi biryara rêberê ayînî pêk tê, û endamên wê encumenê pêk tên ji: Serkomar, Wezîrê Îtîla'at û emniyetê, Wezîrê Karê Derve yê welat, serokên nizamî û întizamî û herwisa rêberê mezhebî yê hikûmeta Îranê. Ew kuştîr tenê bi niyeta siyasî û bi armanca jinavbirina dijberên rejîmê bi rê ve çû. Armanca sereke ya rejîmê jinavbirina dijberan li derveyî welat e. Herwisa di vî hukmî de hikûmeta Îranê wekî hikûmeteke cinayetkar hate naskirin. Rejîma Koamara Îslamiya Îranê ji riya dewleta wê demê ya Alman û heta gefxwarina li dadwerê dadgehê, hemû hewla xwe da, ku aliyê kêmkî rejîmê bi tawanbar nehesibînin, lê dadwer bi tu awayî neçûne jêr barê gefxwarinan, û gellek bi cur'et ve, piştî çar salan lêkolînê, hukmê dadgehê ragehandin, hukmek ku ne dinyayê, û ne jî Komara Îslamî çavni-hêriya wê nedikirin.

Piştî ragehandina vî hukmî welatên endam di YE de balyozên xwe bo heyamekê ji Tehranê vexwandin, û rewşeke gellek diwar a siyasî bo rejîmê hate pêş, jiber ku Îran piştî van hemû terorên ku di derveyî welat de bi rê ve birin, bo yekem car ji aliyê dadgeha welatekî Ewropayî ve, wekî rejîmeke cinayetkar û terorîst hate naskirin.

Hemû ew cinayet û terorane, di lûtkeya deshilatê de pilandarêjî jê re hatibûn kirin. Her eva jî bû sedema vê ku Komara Îslamî êdî kiryarên terorîstî bi rê ve nebe. Dr. Şerefkendî xwediyê kesayetiyekî bilind ya mirovî bû, jiyana pirr ji êş û jan ya navbirî di dema zarokatiyê de, û xwendin û xwepêgehandina di bin siya birayê xwe de, û bi tab û tehemula zehmetiyên jiyandê, di gundeke biçûk a navçeya Bokaanê, gihîştê pileya dukturayê di zanîngeheke Parîsê de. Eva alîkarê serekî yê kak Sadiq bona gihîştina bi vê pileya xwendinê bû. Herwisa bîra tîj û îradeya bihêz û piştqahîmiya bi zehmet û tekoşîna xwe, ji sedemên gihîştina navbirî bi vî astê bûn. Di Farsî de, û di Rojhilata Navîn de, bi van kesan tê gotin "xudsaxte", ku ne serwet û samana malbatê, ne jî deshilatdariya bav û eşîret, tu yek ji wan di holê de nebûn, ku kak Sadiq piştî xwe pê girê bide, lewra bi neçarî piştî bi zehmet û tekoşîna xwe girê da.

Panoramaya jiyana wan kesayetiyên di gellek cihên vî cîhanê de balkêş in, û bandoreke kûr di civakê de hene. Rejîma Komara Îslamî jî, ji xwe re ew kesayetî nekirin armanç, ew bi başî şarezayê hêz û şîyan û jêhatîbûna Dr. Şerefkendî bûn, û nîgeran bûn ku tekoşîna sekreterê PDKÎ ku hizbeke bihêz a dijber e, dikare kêşeyeke mezin bo rejîmê pêk bîne, lewra biryara jinavbirina wî dan.

Kak Fetah Ebdulî şehîdekî din ji şehîdên Mîkonosê ye, ku navbirî ciwanekî pêgihîştî û endamê Komîteya Navendî û berpîrsê ofîsa nûneratiya hizbê li Parîsê bû. Digel vî temenê wî kêmkî bû, lê jêhatîbûna xwe nîşan da, û hekî şehîd nebiba, bêguman di pêşerojê de wê roleke berçavtir hebûya.

Lê bi hemû wan pîlanan ve, ku rejîma Komara Îslamî û rejîmên din ên serberedayî û dijberê kurdên wan welatên ku Kurdistan bi ser wan de hatiye parvekirin, û bi hemû hêz û deshilata xwe, û pîlanên xwe, di terora rêberên tevgerên Kurd de dest hebûne, ne tenê her nekarîne Kurd bixin qedeman, heta bixwe di navxwe û di navçê de, berbirûyê dehan kirîzan bûne, û Kurd jî digel hemû kêşeyên ku beşa herî zaf ya wan, encama siyaseta serkutkerane ya wan rejîman e, lê niha di rewşeke baş ya siyasî de ye, bi taybetî rejîma Komara Îslamî ku jêve bû bi şehîdkirina Dr. Şerefkendî û Dr. Qasimlo dawî bi xebata mafxwazane ya Kurd tîne.

Niha ew rejîm digel dehan kirîzên navxweyî û derveyî berbirû ye. Xebata Kurd li Rojhilat jî herwisa berdewam e, û PDKÎ serbarê jidestçûna du sekreterên xwe, herwisa bihêz û şîyan ve li ser xebata xwe bi azadiyê berdewam e. Rejîma Komara Îslamî dibe bizane ku xebata Kurd li Rojhilat pîrsa serkirdêyek û kesayetiyekî nine, ku bi jinavbirina xebata Kurd dawî pê bihê. Xebata Kurd li Rojhilat xebata neteweyeke mafxwarî û welat dagîrkirî û azadîkuj e, û heya wê demê ku zulm û stem li ser hebe, xebat jî wê berdewam be. Îro beşek ji Kur distana parvekirî ku Başûr e, li hemberî ceribandîna dîrokî de ye. Pîrsa referandomê li ser diyarîkirina çarenûsa xelkê vî beşê ye. Heya ku em nêzîktir dibin ji roja 25'ê Îlonê, ew pîrs germtir dibe, û niha xelkê hemû besên Kurdistanê. bi

»»»» Dom R:6

PDKÎ: Di 25.mîn salvegera şehîdên Mîkonosê de em digel rêbaza şehîdan peymanê nû dikin



Deftera Siyasî ya PDKÎ bi boneya 25.mîn salvegera şehîdên Mîkonosê daxûyanîyek weşand.

Deqa daxûyanîyê:

“Kurdistan serî natewîne”

Azadîxwazên Îranê!

Hewelatîyên Kurdistanê!
Têkoşerên Demokrta!

25 salan berî niha di roja 26`ê Xermanan sala 1371 (17.09.1992)`an de, terorîstên rejîma Îranê, di nava dilê Ewropayê de, êrîşî ser heyeta PDKÎ kirin, û bi xelaya biyom ya xwe, wisa dizanîn ku wê bikarin serî bi Kurdistanê bidin tewandin.

Di vê karesata dîrokî de, destê reş ê terorê, Dr. Sadiq Şerefkendî sekreterê giştî û Fetah Ebdulî nûnerê PDKÎ li derve, û Homayon Erdelan nûnerê PDKÎ li Alman û Nûrî Dêhkordî dostê Kurd ji tevgera Kurd standin. Terorîstên şandî ji aliyê rejîmê ve, kerb û kîna xwe ya pendavbûyî ya sedan salî ya tarîperestî û dijîmîrovî bi ser heyetekê de rijandin ku hatibûn da ku tevî beşdarî di kombûna cîhanî ya Înternasyonala Sosyalîst di çend civînên din de hewlê bo pêkanîna yekîtiya di nava hêzên demokrat û azadîxwaz ên Îranê de bikin. Bi vê hêviyê ku sîvaneke hevbeş ya xebatê ji bo bîdestvehatina demokrasiyê di Îranê de pêk bê.

Seranên rejîma dijîmîrovî û serbere-dayî ya Îslamî li Tehranê ku dizanîn hewlên Dr. Sadiq Şerefkendî û hevalên wî dikare di nava rêxistinên demokrat ên Îranê de, pêgehekê ji xwe re bibîne, û pêgeha rejîmê lertzok bike, pîlana xwe ya terorîstî darêtin, û di vê şeva Birlînê de, û di restaorana Mîkonosê de, ku cihê civîna heyetan bo vegeşandina hêviyên azadiyê di Îranê de bû, rûniştina wir kirin armanca pîlana qirêj ya xwe, û tîma terorê ya rejîma Tehranê, civîn dane ber destrêjê, û bi taybetî teqe li heyeta PDKÎ kirin, û tîra xwe ya jehrîn li cendekê Dr. Sadiq Şerefkendî xistin.

Piştî vê terorê dezgeha Dadê ya Alman bi hewl û tekoşîna dadwer û parêzer û kesên mirovdost û dadperwer di pêvajoyê de çend sale de dosiyê bi dawî anîn, û dadgeha Birlînê ku ji bo şopandina vê dosiyeyê bi dadgeha Mîkonosê nav derxist, rejîma Îranê li asta herî bilind de wekî biryarderê vê terorê da naskirin, û fermana dest-biserkirinê ji wan re derkir.

Eva ku rejîma Îranê li pey wê bû, jinavbirina mêjiyê rêberiya xebatê di Kurdistanê û şikandina piştê hevgirtî ya xebata azadîxwaziyê di Îranê de bû, lewra jî Dr. Sadiq Şerefkendî bona jinavbirinê, destnîşan kiribû, da ku hem rêkxirawên Îranê ji jihevnezikbûnê poşman bikin, û hem jî serî bi Kurdistanê bide tewandin, lê pêvajoya bûyeran berevajiyê xwesteka rejîma Komara Îslamî çû pêş, û hem di asta navdewletî de, ew hikûmet wekî rejîmeke terorîst hate nasîn, û hem jî destê reş ê terorê di Ewropayê de kurt kirin.

Ji vê yekê jî girîngtir domandina xebata kurd li Kurdistanê Îranê bû, ku herçend Dr. Sadiq Şerefkendî cihgirê Dr. Qasimlo bi ceste ji Kurdistanê hate standin, lê hizb û xebata wê hizbê, her li ser piyan man, û heval û hevçeperên Dr. Sadiq Şerefkendî û mamostayê wî Dr. Qasimlo, bi xebata xwe û bi hilgirtina barê giran ê xema jîdestdana wan, û peymanê emegdariyê, bi rê û şopa wan emegdar man û pîlanên Klomara Îslamî kirin bilqa ser avê.

Niha 25 salan piştî şehîdkirina Dr. şerefkendî Komara Îslamî herçend ku bi berçav dixwaze ku rûçikê hêzeke navçeyî ji xwe nîşan bide, û bi sala ye ku dixwaze bi navê îdeolojiya Îslamî, bîra xwe ya hişk û dogmî bişîne derve, lê berevajiyê piropagandeyên vê rejîmê, niha xelkê navçeya Rojhilata Navîn Komara Îslamî wekî rejîmeke têkder didin nasîn, ku bi vegeşandina şerê mesebî û tundrewî, dixwaze ku kuştare di herêmê de vegeşîne, û niha Komara Îslamî ne tenê bihêz nebûye, belkû di nava qufiyekê de ku bixwe çêkiriye de dest û piyan lê dide, û ew agirê ku bixwe pêxistiye, wê dereng yan zû damanê wê jî bigre.

Di navxwe ya welat de jî hekî 25 salan berî niha îdiaya “sazendêgî” (avedankirinê) û piştî jî îdiaya çaksaziyan dikir, niha serî heta binî, rejîma Îranê wekî çavkaniya hemû bêbextiyên jiyana xwe nas dikin, û hemû neteweyên Îranê bi giştî hatine ser ve baweriyê ku tenê riya jiyana baştir û reforman di Îranê de, nemana vê rejîmê ye.

Di eniya hember de jî, piştî 25 salan ku bi ser bûyera restorana Mîkonosê û şehîdkirina Dr. Sadiq Şerefkendî û hevalên wî re derbaz dibe, em niha dibînin ku hizba Dr. Sadiq Şerefkendî di qonaxê de nû ya xebatê de, bi peyrewkirina waneyên wan rêberan dixwaze ku xebata çiya û bajar pêkve girê bide, û Rasana Rojhilat bûye rêbaza xebata îro. Her wekî ku Dr. Sadiq Şerefkendî digot, bo birêvebirina xebatê gellek rê hene. Rasana Rojhilat dixwaze ku hemû wan rîyan veke, ku ji bo vegeşandina xebatê

hewce ne.

Di biyaveke din de, hemû dizanin ku Dr. Sadiq Şerefkendiyê rêber, çende hez ji xebata neteweyî û vegeşîna xebatê di hemû beşên Kurdistanê de dikir, û wê demê ku Kurdistanê Başûr ezmûneke nû diceriband, Dr. Sadiq Şerefkendî palpişteke mezin bo xebata Başûr bû.

Xebatkarên Kurd di Kurdistanê Îraqê de, hemû hogiriyên Dr. Sadiq Şerefkendî bo xebatê û ezmûna wan, di bîra wan de ye. Niha di 25.emîn salvegera şehîdkirina Dr. Sadiq Şerefkendiyê rêber de em dibînin ku Kurdistanê Başûr ber bi referandoma serxwebûnê ve pêngavan hildigre, û hêviyê ku din ji hêviyên Dr. Sadiq Şerefkendî ser digre.

Xebatkartên Kurd!

Bi hemû wan rûpelên girîng ên dîrokê, û bi şiroveya niha ya navçe û Kurdistanê, û xebata Kurd, dema ku cardin em dikevin nava vê serdemê de, ku Komara Îslamî dixwaze bi terorkirina Dr. Qasimlo û Dr. Sadiq Şerefkendî û têkoşerên din ên Kurd, xebata neteweyî-demokratîk ya Kurd bixe qedeman, û Kurdistan di hember de serî bitewîne, rohtir ji hertim em tene ser ve baweriyê, ku xebata Kurd û tevgera neteweyî-demokratîk li Kurdistanê xebateke rewşa û piştqahîm e bi bawerî û îradeya neteweyî, û em xatircem dibin, ku Kurdistan qet serî natewîne.

Di 25.emîn salvegera bibîranîna Dr. Se`îd, Kak Fetah Ebdulî, û Kak Humayon Erdelan de, em tevî peyman-nûkirina digel rêbaz û baweriyên wan, em silavan dişînin bo riha pak ya hemû şehîdên Kurdistanê.

Neman bo rejîma terorîstperwer a Komara Îslamî

Serkevtin bo xebata neteweyî-demokratî a Kurd

PDKÎ
Deftera Siyasî

26.06.1396
17.09.2017

Ramana Dr. Qasimlo derheq pirsra serxwebûna Kurdistanê di dîrokê de



Cemal Resûl Dinxe

Qasimlo: “Hekî Ereban piştewaniyê ji Kurd bike, Kurd dikare daxwaza mafê zêdetir ê xwe bike”. Renge bêjin ku gelo nasname (şunas, howiyet) çiye? Çi dibexşe me? Hebûna nasnamê çi tişteke jiyana me diguhere? Gelo bebûna nasnamê bandor li ser kesîtiya takekes heye?

Nasname wekî yek ji aliyên geşê û vegeşîna takekes di nava civakê de lê tê nihêrîn. Takekes di warê nasnameyê de hest bi hebûn, yan valahiya nasnameyê dike, û valahiya nasnamê curek ji zexta derûnî, û xwe bikêzîyê bo takekes çê dike, ku di zanista civkaniyê de, dibêjnê “ji xwe bîhanîbûm”. Lewra gellek caran valahiya nasnamê bi yek ji qonaxên aloz û pirr ji metirsi, ên jiyana pêşkevî û geşekirinê tê dîtin.

Derheq serxwebûn û herwisa bona gihîştina bi serxwebûnê neteweya Kurd heya niha jî xebateke bicoş bi rê ve dibe, û li ser gihîştina bi mafê xwe yê rewşa bi hemû hêzekê pêdagirî dike. Nasname hêzeke me`inewî ji bo takekes ava dike, ku baweriyêke tewaw bi xwe û civakê çê dike. Hebûna nasnamê hêza derûnî û siyasî û kulturî dibexşe me, bi awayekî ku hêza hebûn û hêza me`inewî jî ji bo Kurdistanîyên beşên din tîne, û bingeha me hemiyan bihêztir dike. Nemir Pêşewa Qazî Mihemed yekem car ku Komara Kurdistanê ava kir, bîra takê Kurd di hemî warên siyasî de veji-



yand, û tenê di xebat bo gihîştina bi azadiyê de nehêla. Lewra jî piştî azadî û rizgariya neteweya xwe, piştî çend mehan, serxwebûna Kurdistan ragehand û yekem Komara Kurdistanê ava kir.

Dr. Qasimlo di heyama jiyana xwe de, komek gotar û gotûbêj encam dane, ku her yek ji wan bas ji bûyereke kirine, û gellek caran jî pêşbîniya pêşeroj kiriye, û gellek dûrbîn bûye, û gellek jî axavtinên wî di piratîkê de ser girtine, yan jî ser digrin!!

Bo mînak hekî wê demê Dr. Qasimlo daxwaza otonomiyê dikir, piraniya rêberên siyasî ên Kurd ew daxwaza wî daxwazek kêmtir diditin, lê Dr. Qasimlo bersiva wî ew bû ku “ carê em dikarin tenê daxwaza hindê bikin”.

Ji wê demê ve ku Kurdistan Başûr di heyama çend rojên din de piroseya referandomê ji bo sexwewûnê encam dide, û çendîn welat û bi taybetî welatên Erebi wekî Ereban piştewaniyê jê dikin, Dr. Qasimlo di gotûbêjekê de, digel rojnamevanê Fransî Kirîs Koçêra de, bas ji vê yekê dike, ku her demekê kêşeya Kurd wekî kêşeyeke siyasî bê naskirin, û Ereban piştigiriyê jê bike, eva ezê diruşma stratejîk a Kurd biguherim.

Deqa gotûbêjê weha ye:

Kirîs Koçêra rojnamevanê navdar ê Fransî li ser otonomiyê, û sedemên neguherîna vê diruşmê di PDKÎ de ku diruşma stratejîk ya PDKÎ ye, weha dinivîse:

“Dr. Qasimlo di bersiva vê pirsyarê de weha dinivîse ku her demekê ew sê fakter amade bûn, ez dikarin diruşma stratejîk ya PDKÎ biguherim: 1-Tevgera neteweyî ya Kurd li her çar beşên Kurdistanê de, û bi taybetî di Bakûra Kurdistanê de bihêz be, jiber ku xebata Kurd di vê beşê de lawaz e.

2- Welatên navçeya Rojhilata Navîn piştewaniyê ji mafên rewşa ên Kurd bikin, û kêşeya Kurd wekî kêşeyeke siyasî bê naskirin, û bi taybetî Ereban piştewaniyê ji kêşeya Kurd bike, jiber ku Ereban dostê stratejîk ê Amerîkayê ye di navçeyê de, û herwisa jê re girîng nine ku nirxa petrolê ser û xwar bike, û herwisa wî welatî kêşeyek bi navê kêşeya Kurd tune ye.

3-Welatên mezinhêz û Ewropî piştewaniyê ji kêşeya Kurd bikin, û her demekê ew sê fakter amade bûn, ezê diruşma stratejîk ya PDKÎ biguherim”.

Ew sê fakter niha ji hemû demekê zêdetir bo neteweya Kurd ciyê xwe digrin, lewra rêberên gelê Kurd bas ji vê dikin ku dem bi cî ye, û em ji daxwazên xwe paşekêş nakin.

Di vê derheqê de dibe dîsan em bînin bîra xwe, ku Qasimlo ew dîplomatê şoreşger, û siyasatmedarekî weha bû ku bi vî rengî pêşeroja neteweya Kurd dibîni.

Şandeke PDKÎ di vekirina nûneratiya HAK-PAR`ê de beşdarî kir



Di rêûresma vekirina nûneratiya HAK-PAR`ê de, ku li Hewlêrê pêk hat, şandeke PDKÎ beşdarî kir.

Roja Yekşemiyê 26`ê Xermananê şandeke PDKÎ bi serperestiya Mihemednezîf Qadîrî endamê Deftera Siyasî a PDKÎ beşdarî di merasima vekirina nûneratiya HAK-PAR`ê de kir, ku yekem car e ew nûneratî di Hewlêrê de tê vekirin.

Şanda PDKÎ bi vê boneyê ve pêrozbahîya PDKÎ gehande HAK-PAR`ê, û pêdagirî li ser berdewamiya pêwendiyên dostane û alîkariya di navbera xwe de kirin.

Herwisa ew şand ji aliyê serokê HAK-PAR`ê Refîq Karakoç û hevalên wî ve bi germî hate pêşwazîkirin, û piştê şandeke HAK-PAR`ê bi serokatiya Kemal Borkay kesayetiyên naskirî ê Bakûra Kurdistanê di merasima 25.mîn salvegera terorkirina Dr. Şerefkendî û hevalên wî de beşdarî kir, ku di binkeya Deftera Siyasî ya PDKÎ li Koyê de pêk hat.

Di merasima vekirina nûneratiya HAK-PAR`ê de, çendîn şandên cuda cuda ji partiyên her çar perçeyên Kurdistanê, û herwisa cihgirê parlamentoya Herêma Kurdistanê û parlamantar û parêzgarê hewlêrê û dezgehên ragehandinan beşdar bûn.

»»»» Doma R:4

vê boneyê ve şahî û kêfxweşiyê dikin, wate bo rojekê ku sedsalek e xebatê jê re dikin.

PDKÎ mafê referandomê wekî mafê rewşa yê xelkê dizane, ku yek ji bingehên demokrasîyê ye. Lewra piştigiriyê jê dike, û encama vê referandomê jî, ku dengê civatên xelkê

Kurdistanê ye, rêzê jê re dadinê, û piştewaniyê jê dike. PDKÎ pilana dijminên kurd, bi taybetî ya Komara Îslamî jî ku roj bi rojê gefên tundtir li dijî referandomê dixwe, şermezar dike.

Em hêvîdar in ku xelkê Başûra Kurdistanê bi yekdengî di referandomê de başdariyê bikin, û deng bidin serbixweyiya welat. Bi vî awayî riha şehîdên riya rizgariya welat şa bikin, û pîlanên dijminan pûç bikin.

Nerîna Lîderan



Peyama Barzanî bo gel:
“Barê ser milê me girantir bû”!.



Yildirim: “Bila gumana ti kesî nebe, ku emê di mijara referandomê de tişta pêwîst bikin.”



Mûwefeq Rûbeyî: “Piştî giştirsîyê, dê Kurdistan nû bibe cihê aloziya ewlekarî û aborî, herwiha bibe gefa li ser gelê Kurdistanê.”



Cîmz Cîfrî: “Kiryarên rejîma Îranê gellek metrsîdar in”.

PDKÎ: Piştevaniya ji serxwebûna Kurdistan Başûr, erkeke neteweyî ye



Deftera Siyasî ya PDKÎ bona piştevaniya ji serxwebûna Kurdistan Başûr daxûyaniyek weşand.

Deqa daxûyaniyê weha ye:

Piştigiriya ji serxwebûna Kurdistan Başûr, erkeke neteweyî ye

Hewelatîyên rêzdar!
Neteweya mafxwaz a Kurd!

Biryara serkirdayetiya siyasî ya Herêma Kurdistanê bona birêvebirina referandomê di 25`ê Îlonê de, biryareke neteweyî, û pêdagirî ye li ser mafê mirovî, û daxwazeke rewya ya Kurd e, ku dehan sal e di beşên cur bi cur ên Kurdistanê de, xebatê jê re dike, û dixwaze biryarê li ser çarenûsa xwe bide. Hevdem digel demokratîkbûn û neteweyîbûn û rewariya vî mafî, şewaza destebarkirina wê jî, ku ji riya referandoma di Kurdistanê de bi dest tê, şewazeke demokratîk û serdemiyane û aştxwazane ye, ku nîşan ji geşekirin û hişyariya siyasî û neteweyî ya Kurd û xelkê Kurdistanê ye, ku di navçeyêke teji ji teror û reşekujî û bîra paşvemayî û dugm de, bireke serdemiyane û demokratîk heye, ku bi mîkanîzma demokratîk û pêşkevî dixwaze mafên xwe bi dest bîne, û îradeya neteweyî û demokratîk a xwe bisehimîne.

Rêûresma bîranîna xebat û tekoşîna Dr. Şerefkendî di navenda 3 de bi rê ve çû



Bi beşdariya kadr û pêşmerge û endamên PDKÎ û nûnerên çend aliyên siyasî û çend kesayeti-yên Kurdistanî, rêûresma rêzgirtina ji xebat û tekoşîna bêrwestiyar a şehîd Dr. Şerefkendî û hevalên wî, bi xwendina sirûda Ey Reqîb û ragirtina deqeyekê bêdengî bona rêzgirtin ji riha pak ya şehîdan, di navenda 3 a Kurdistanê de bi rê ve çû.

Piştî peyama Deftera Siyasî ya PDKÎ bi vî boneyê ve ji aliyê Teymûr Mistefayî endamê Deftera Siyasî ya PDKÎ pêşkêşî beşdarbûyiyan hate kirin, ku tê de tevî awrîdanek li cinayeta Mîkonosê, baseke têr û teji li ser kesayetiya bilind ya Dr. Şerefkendî kir.



Naveroka vî merasimê jî pêk hatibû ji xwendina peyama hevpar ya yekîtiyên jinan, ciwanan, û xwendekaran, ji aliyê Şaho Ehmedî berpirsê komîteya Lawan li navenda 3 a Kurdistanê, û xwendina sirûdeke şoreşgerî ji aliyê keç û kurên Navenda 3 a Kurdistanê, û pexşanek ji aliyê Mamosta Bêbeş ve. Hêjayî basê ye ku ew kesayetî û aliyane jî, di merasimê de beşdar bûn:

-Birêz Mêhdî Zana kesayetiye naskirî ê Bakûra Kurdistanê û hevjinê xebatkara navdar Leyla Zana

-Partiya Yekîtiya Demokrat a Kurdistan Sûriyê

-Partiya Sosyalîst a Kurdistan Sûriyê
Partiya Sosyalîst a Kurdistan Bakûr

Me di PDKÎ de hem pêştir bi awayekî fermî ragehandiye ku ew maf mafekî rewya yê Kurd e di Kurdistan Başûr de, û hem jî bi awayekî cidî em piştevaniyê ji referandomê ji bo serxwebûna Kurdistan Başûr dikin, û di vir de tevî dubarekirina vî piştevaniyê, em rû li gelê Kurd li Rojhilata Kurdistanê wekî beşeke belengaz, lê hişyar û hestiyar, û xwedîbiryar dikin ku: Yekem- Di van rojan de heya roja birêveçûna referandomê bi her awayekî ku hûn dikarin piştevaniya xwe ji referandomê bo serxwebûna Kurdistan Başûr nîşan bidin, û di roja encamdayîna referandomê de jî, bi bilindkirina alaya Kurdistanê û lixwekirina kincên Kurdî, û amadebûna li cihê giştî bi van kinc û alayan, nîşan bidin ku neteweya Kurd di hemû beşên Kurdistanê de piştevan û hevsozê hev in.

Duyem-Hemû endam û alîgrên PDKÎ li derveyî welat, û li Başûra Kurdistanê bi her awayekî ku ji destê wan tê, di mîtingên ku ji bo piştevaniya ji referandoma serxwebûna Kurdistan Başûr pêk tên de, amadebûneke berçav hebin, û bi hilgirtina diruşmên pêwendî-

dar, alîkar bin bona zêdekirina piştigiriyan.

Sêyem- Bi rêxistina kempeynên taybet di torên civakî de, û bi piropagendeyeke taybet bi vî warî, wajoynê piştevaniyê ji bo serxwebûna Kurdistan Başûr kom bikin, û di vî derheqê de jî, rola xwe bo handana xelkê bilîzin, û alîkar bin bona gihîştina neteweya Kurd di beşeke nîştiman de bi mafên xwe ên rewya. Siyaset û baweriya PDKÎ her di destpêka avakirinê wê de, û ji bingehdanîna Komara Kurdistanê ve heya niha, ew bûye û niha jî ew e ku kurd wekî yek netewe dibîne, ku bi bî hezkirina wê, xaka wê bi ser çar welatan de hatiye parvekirin, û vegeşîna xebata kurd di her beşekê de, bi serkevtin û deskevta hemû Kurd dizane, û xebata Kurd di Başûr û li Rojhilat dikarin û dibê ku piştevanê hev bin bona hindî zêdetir vegeşîna û lihevnêzîkbûnê, bona guhîştina bi hêviyên neteweyî û demokratîk. Referandona ji bo serxwebûna Kurdistan Başûr, vejiyandina Komara kurdistanê ye.

PDKÎ Deftera Siyasî
25.06.1396
16.09.2017

Çend wêne ji rêûresma 25.mîn salvegera terorkirina Dr. Şerefkendi û hevalên wî



»»» Doma nûçeya manşetê

Bi beşdariya xelkekî berçav û hejmarek ji mêhvanan karnevala piştevaniya ji serxwebûna Kuirdistanê di Navenda 3 ya Kurdistanê de bi peymannûkirina digel rêbaza şehîdan bi dawî hat.

Ew karneval bi beşdariya endamên rêberî ya PDKÎ, kadr û pêşmerge û malbatên wan, û hunermendên navdar ên Kurdistanê û hizb û aliyên siyasî ên Kurdistanê bi dawî hat. Ew karneval ji aliyê PDKÎ ve hatibû rêxistin.

Destpêka vê karnevalê bi sirûda neteweyî ya Ey Reqîb û ragirtina deqeyekê bédengî bo rêzgirtina ji riha pak ya şehîdên Kurd û Kurdistanê dest pê kir. Piştê Mistefa Hicrî sekreterê giştî ê PDKÎ çend gotinek pêşkêş kirin, û piştevaniya PDKÎ ji serxwebûna Kurdistanê ragehand. Piştê hunermendê navdar ê Kurd Şivanperwer çend gotinek li ser serxwebûnê kirin.

Piştê mamosta Bêbeş parçe helbestek li ser serxwebûna Kurdistanê pêşkêşî beşdarbûyîyên kernevalê kir. Piştê “Koma serxwebûn” girûpa muzîka Rojavaya Kurdistanê bi serperestiya hunermend Ehmed Ekaş çend perçe muzîk li ser referandomê pêşkêş kirin. Birêz Gulbax Behramî jî di vê karnevalê de perçe helbestek pêşkêş kir. Hunermend Birader jî bi çend sirûdên şoreşgerî merasim xemiland.

Herwisa zarokên Navenda Nêrgiz jî di vê karnevalê de stranek li jêr navê “Berî beyan e” pêşkêşî beşdarbûyîyan kirin.

Karneval bi govend û dîlana girûpa “TISHK” a ser bi Komîsyona perwerdehiya PDKÎ bi dawî hat.

Herwisa çendîn hizb û aliyên siyasî jî peyamên xwe bo vê karnevalê şandin, ku ew aliyên siyasî bûn:

- Liqa 16 ya PDK`ê
- Birêveberiya Asayîşa Behrekê
- Birêveberiya Nahiyeya Behrekê
- HDP
- PDK-T
- HAK-PAR
- PYD
- PDKS
- PSK
- Malbatên şehîdên Qereseqel û Kosalan
- Peyama Hêza Taybet ya PDKÎ



Ehmedê Xanî û dewleta Kurdî

Besam Mistefa

Xewn û daxwaza dewleteke kurdî kevn e. Ronakbîr û helbestvanên Kurd berî sedan sal girîngiya dewletê û pêwistiya hebûna wê ji miletê xwe re diyar kirin û di nav dîwan û berhemên xwe yên edebî de bicih kirin.

Bi taybetî Helbestvan û filosofê Kurd yê neteweyî Ehmedê Xanî berî nêzîka 400 salî, behsa dewleta kurdî kir û bi awayekî eşkere û vekirî pêdiviya dewletê ji gelê Kurd re anî ziman.

Helbestvan û zanyarê Kurd yê mezin, kurdperwerê bêhempa Ehmedê Xanî dabû pêşiya dema xwe û berî belavbûna bîr û baweriyên netewperwerî û dirustbûna dewletên neteweyî, ji gelê xwe wateya dewletbûnê bilêv kir û xwest ku Kurd şiyar bibin û hizir û ramanên neteweyî û evîna welat û niştimanperweriyê di nav wan de belav bibe.

Dema Kurdistan ji bo cara yekem bi riya Peymana Qesra Şîrîn hat parçekirin, Xanî ew peyman şiband tarîbûna

roja Kurdan û bi peyvên watedar derd û hawara Kurdistanê wiha vegot: “Tasek ji vê ava zelal, nadim bi hewza kewserê. Levhatina Qesra Şîrîn, jê nabînim tu meferê. Piştî roja me bû tarî, mirin xweş e ji emberê.”

Di demekê de ku hê jî fikir û ramanên neteweyî li dinyayê baş zelal û belav nebûbûn, Xaniyê mezin û bîrbir pêşbînî kir wê Kurd ji ber nebûna dewleta xwe ya serbixwe çî êş û zehmetiyan bikişînin. Bi taybetî bi hebûna dijmin û neyarên pir li çarmedor û nebûna yekîtiyê tifaqê di nav Kurdan bi xwe de.

Xanî tifaq û yekîtiya gelê Kurd dike mercê sereke yê avabûna dewleta serbixwe ya kurdî û wiha dibêje: “Lew pêk ve hemîşe bêtifaq in. Daim bi temerrud û şîqaq in. Ger dê hebûya me ittifaqek. Vêk ra bikira me inqiyadek. Rûm û ereb û ecem temamî. Hemiyar ji me ra dikir xulamî. Tekmîl dikir me dîn û dewlet. Tehsîl dikir me ilm û hikmet.”


Xanî destana xwe ya nemir Mem û Zîn jî kir behaneyek da tê de fikir

û hizirên xwe yên neteweyî bîne zimên. Armanca wî ew e ku Kurdan ji tamara xewê rake û berê wan bide rizgarî, serxwebûn û ronahiyê. Zîn sembola heyvê, azadî û Kurdistanê ye. Mem gelê Kurd e û Zînê di roja Newrozê de nas dike. Mem dixwaze bigihe Zînê, ango Kurd dixwain bigihin azadiyê, dixwazin bigihin Kurdistanê.

Xanî dibêje: “Şerha xemê dil bikim fesane. Zînê û Memê bikim behane. Nexme we ji perdeyê derînim. Zînê û Memê ji nû ve ve-jînim.”



Ji Yilmaz Ayan klîpa referandomê



Hunermendê ji Bakûrê Kurdistanê Yilmaz Ayan, ji bo piştigiriya referandoma serxwebûna Başûrê Kurdistanê klîpa “Belê bo referandoma Kurdistanê” amade kir.

Her ku dema referandoma Başûrê Kurdistanê nêzîk dibe, piştigiriya ji bo serxwebûna Kurdistanê jî mezintir dibe. Hunermend, rewşenbîr û siyasetmedarên her çar parçeyên Kurdistanê banga “erê” ji bo referandomê dikin.

Hunermendê ji Bakûrê Kurdistanê

Yilmaz Ayan jî strana xwe ya bi navê “Belê bo referandoma Kurdistanê” kire klîp.

Derbarê vê karê xwe yê nû de hunermend Yilmaz Ayan ji Rûdawê re ragihand: “Serxwebûn xewna hemû kurdan e û xewneke hezar salî ye. Bi vê referandomê Kurd di dîroka xwe de yekemîn car e ev hinde nêzîkî serxwebûn û azadiyê bûne.”

Yilmaz Ayan bal kişande ser giringiya piştigiriya her aliyekî ya ji bo referandomê û got: “Referandoma Başûrê Kurdistanê pêvajoyeke pir giring e ji bo hemû beşên Kurdistanê. Kilîla



gihiştina mafên xwe ye ji bo gelê kurd. Lewma divê kurdên li hemû cîhanê piştigiriya referandomê bikin.”

Hunermendê kurd diyar kir, ku giring e hunermend jî weke pêşengên civakê ji bo vê pêvajoya dîrokî erk û berpirsiyariya xwe bicîh bînin û wiha axivî:

“Weke hunermendekî ji bo piştigirî û bangaşeya vê pêngava dîrokî, min jî ev klîp amade kir. Em bi dil û can ji bo referandoma serxwebûna Başûrê Kurdistanê dibêjin belê.”

Peyvên vê stranê yên helbestvan Mihemed Oreyî ne û awaz yê Yilmaz Ayan e. Herwîh di stranê de hunermend Aynûrxan jî vokalistiyê dike.

Strana “Belê bo referandoma Kurdistanê” di stûdyoya Çar Lorîn a Hewlêrê de hatiye tomarkirin. Rudaw

Zimanê Kurdî

Doma diyaloga hejmara pêşîn:

Baran: Bi rastî di dilê min de jî ew der hebû. Min bêriya masiyan kiriye!

Garson: Kerem kin, hûn bi xêr hatin. Ez ji we re çi bînim?

Dilcan: Zeletayeke xweş û hinek masî, lê bila xweş were biraştin, xav nebe û aveke sar.

Garson: Li ser her du çavên min. Hûn çi dixwazin?

Baran: Ji min re jî heman tiştî bîne; zelete, masî û av.

Garson: Ser çavan. Wekî din daxwazeke we heye?

Dilcan: Na, ka bila ev werin, emê binêrin.

Baran: Erê. Dilcan ka li paş xwe binêre, ew ne Zozan û Sînem in, rûniştine?

Dilcan: Belê, wele ew in. Min ji mêj ve ew nedîtine. Ka heta xwarin tê, em silavekê bidin wan.

Baran: Dibe. Min jî ew ji mêj ve nedîtine.

Dilcan: Silav ji we re keçikino. Hûn çi dikin li vir?

Zozan: Wî, tu û van deran?

Sînem: Silava we li ser çavan. Hûn ji ku derketin lê?

Dilcan: Me got, em herin li ber avê xwarinekê bixwin. Me nizanîbû keçikên xweşik tev li vir kom dibin.

Baran: Te tam li hedefê da wele. Îşev her kes bi awayekî ji her dem xweşiktir bûye. Xêr e îşalah.

Zozan: De tu jî Baran, bi wê dilxweşkirina te, te Dilcan ji me veqetand û ji xwe re bir. Êdî em nema wê dibînin.

Baran: Na wele, Dilcan ji xwe keçika herî xweşik a vî welatî ye, ew ne sûcê min e.

Sînem: Ê em?

Baran: Hûn jî ne kêmtir wê ne!

Zozan: Axx, axx, ev zimanê te bila hinekî di devê Siloyî de jî heba, ma wê qiyamet rabiba!

Peyvên tu wateya wan nizanî li jêrê binivîse:

Van pirsan ji hevalê xwe/ji hevala xwe bipirse û bersivan li vir binivîse:

Çima mirov li ber hev xweş dikin?

.....
.....
.....

Aliyên baş û yên xerab yên xweşbêjiyê angî xweşkirina li ber hev çi ne?

.....
.....
.....

Tu ji xweşbêjiyê hez dikî angî bi xwe xweşbêjek î?

.....
.....
.....

Gelo xweşbêjî hunerek e, yan mirov dikare fêr bibe?

.....
.....
.....

Tu dixwazî ku hevalê te/hevala te li ber te xweş bike?

.....
.....
.....

Tiştonek



A: Mahir Berwarî

- Sê candara bi hevra sê ser, şeş çav û du ling hene.

Bersiv: (* masî, mar, kew)

- Mela û jina xwe, qeşe û jina xwe, mamosta û jina xwe divên li rûbarî bi gemiyê ku bê xwedîye û tenê du kesan digire derbaz bibin. Vana teva bawerî bi hevdu nîne û dilxirabin. Gelo çawa ev hemû bê alozî dê derbaz bibin?

Bersiv: (* Her sê jin bi du caran derbaz dibin. Jina Mamostay vedigere û gemiyê di înit. Qeşe û mela bi gemiyê derbaz dibin. Mala û jina melay vedigerne ve. Mela û mamosta jinên xwe dihêlin û derbaz dibin. Jina qeşey bi du caran herdu jinên di derbaz dikit.)

- Mirovekî gurek, mihek û cihalekê cihî hebû, dixwest li rûbarî derbaz bibit, gemiyek hebû xwedî û tiştek ji wan bi tinê digirt. Gelo ew zalam dê çawa xwe û tiştên xwe derbaz kit bêt ku hevdu bixûn?


Bersiv: (* Zalam bo cara êkê dê mihê derbaz ket, gurg û cih li wir dihêlit. Paşî vedigere gurgî dibe û mihê li gel xwe vedigerne ve. Vê carê mihê li wêrê dihêlit cihî dibe li gel xwe. Cara dawî vedigere mihê jî bi xwe ra dibe. Bi vî rengî hemuyan derbaz dikit.)

Têdîtin: Amadekar destkariya devoka metelokan nekiriye

Xwendevanên hêja!
Hûn dikarin bersiva tiştonekan bi riya E-Maila
Agiri2003@gmail.com ji me re bişînin



Agirî



Dr. Sharafkandi